

«ТАСДИҚЛАЙМАН»
«InFinBANK» АЖ InfinBANK
Бошқарув Раиси Ўринбосари
Б.С. Джурасев



“15” 01.01.2023 й.

**Миллий ва чет эл валюталарида талаб қилиб олингунча депозит ҳисоб рақамларини очиш ва унга хизмат кўрсатиш учун шартнома тузиш бўйича жисмоний шахсларга
ОММАВИЙ ОФЕРТА**

1. УМУМИЙ ҚОИДАЛАР

- 1.1. Ўзбекистон Республикаси, Тошкент шаҳри, 100029, Т.Шевченко кўчаси, 1-й манзилида жойлашган “Invest Finance Bank” акциядорлик жамияти (кейинги ўринларда “Банк”) ушбу билан мазкур офертани қабул қилган жисмоний шахслар (кейинги уринларда “Мижоз”) га қўйида кўрсатиб ўтилган ҳаракатларни амалга ошириш йули билан миллий ва хорижий валютада талаб қилиб олингунча депозит ҳисоб рақами бўйича (кейинги ўринларда “банк ҳисоб рақами” ёки “хисобварақ”) амалиётларни амалга ошириш юзасидан хизматларни таклиф қиласди.
- 1.2. Ушбу оммавий оферта Мижозга талаб қилиб олингунча депозит ҳисоб рақамини очища, шунингдек, ҳалқаро пул ўтказмалари бўйича хизмат курсатишда миллий ва хорижий валютадаги талаб қилиб олингунча депозит ҳисоб рақами шартномаси хисобланади.
- 1.3. Ушбу шартноманинг предмети бўлиб Банк томонидан Мижознинг пул маблағларини талаб қилиб олингунча депозитига қабул қилиш, барча турдаги ҳисоб-китоб ва касса хизматларини амалга ошириш, Мижознинг банк ҳисоб рақамига тушаётган пул маблағларини қабул қилиш ва ўтказиш хамда Мижознинг пул ўтказиш ва тегишли маблағларни бериш бўйича топширикларини бажариш, шунингдек ҳалқаро пул ўтказмалари бўйича амалиётларни амалга ошириш хисобланади.
- 1.4. Мижоз томонидан Банк хизматлари ўз вақтида тўланганда ва ушбу шартнома бўйича ўз зиммасига олган барча мажбуриятлари бажарилганда Банк томонидан ушбу шартнома бўйича хизматлар кўрсатилади.

2. ШАРТНОМА ТУЗИШ ТАРТИБИ

- 2.1. Ушбу Талаб қилиб олингунча депозит ҳисоб рақами шартномаси жисмоний шахслар-мижозлар билан оммавий оферта шартларида тузилади. Жисмоний шахс томонидан мазкур оммавий офертанинг 1-иловасидаги шакл бўйича Банкка ариза берилиши акцепт (ушбу шартномани тузишга розилик) деб хисобланади. Банк томонидан акцепт олинган ва Мижозга банк ҳисоб рақами очилган пайтдан бошлаб ушбу шартнома ёзма шаклда тузилган, деб хисобланади.
- 2.2. Банк ҳисоб рақамини очиш Мижознинг аризаси, шунингдек унинг шахсини тасдиқловчи хужжатнинг асл нусхаси асосида амалга оширилади.

3. МИЖОЗНИНГ ҲУҚУҚ ВА МАЖБУРИЯТЛАРИ

3.1. Мижоз қўйидагиларга ҳақли:

- Банк ҳисоб рақамида турган ўз пул маблағларини мустақил бошқариш, ўз ҳисоб рақамига нақд ва нақд пулсиз шаклда пул маблағларини киритиш;
- agar Ўзбекистон Республикасининг амалдаги қонунларида бошқача тартиб назарда тутилган бўлмаса, ушбу Шартнома шартлари бўйича депозит маблағини тўлдириш;

- пул-хисоб-китоб хужжатларини тузиш ва банк амалиётларини амалга ошириш учун зарур бўлган маълумотларни Банкдан олиш;
- нақд пулсиз хисоб-китобларни расмийлаштириш тартиби тўғрисида маълумот олиш;
- хисоб рақамдаги маблағларни шахсан ҳамда ўз вакили орқали (ишончнома асосида) тасарруф этиш, агар Ўзбекистон Республикасининг амалдаги қонунлари билан бошқача тартиб пазарда тутилган бўлмаса;
- Банкдан ушбу шартнома шартларига риоя қилишин талаб қилиш;
- ўзи олган кредит (карз) бўйича гаровда турган ўз хисоб рақамидаги пул маблағларини кредит (карз)ни тўлашга йуналтириш;
- мазкур шартномани Ўзбекистон Республикаси қонун хужжатларида белгиланган тартибда бекор қилиш;
- ариза асосида СМС-хабардор қилиш хизматидан воз кечиш.

3.2. Мижоз қўйидагиларни ўз зиммасига олади:

- Банкда белгиланган иш вақтига, тўлов хужжатларини расмийлаштириш ва тақдим этиш тартибида, амалдаги қонун хужжатлари талабларига, шунингдек, Ўзбекистон Республикаси Марказий банкининг меъёрий хужжатларига риоя қилиш;
 - Ўзбекистон Республикасининг амалдаги қонунларига мувофиқ банк хисоб рақами бўйича хисоб-китобларни амалга ошириш;
 - ўз хисоб рақами ҳолати тўғрисида маълумот олаётганда, ўтказилган амалиётларнинг - хисоб-китоб хужжатларига мувофиқлигини текшириш. Ўтказилган амалиётларда оғишилар, бузилишлар ёки шубҳалар аниқланган тақдирда, бундай маълумотлар олинган пайтдан бошлаб 2 (икки) иш кунидан кечиктирмай бу хақда Банкни ёзма равища хабардор қилиш;
 - хизматлар кўрсатилган кунда амалда бўлган Банк томонидан белгиланган тарифларга мувофиқ хисоб рақамга Банк томонидан ҳизмат кўрсатганлик учун ўз вақтида ҳақ тўлаш;
 - Банкка тақдим этилган хисоб-китоб ва бошка хужжатларда кўрсатилган маълумотларнинг нотўрилиги учун мустақил равища тўлиқ жавобгар бўлиш;
 - шахсни тасдиқловчи хужжатларига киритилган ўзгартиришлар, ўзгарган яшаш жойи ва боғланиш телефонлар рақамлари тўғрисида дарҳол шу куннинг ўзидаёқ Банкни ёзма хабардор қилиш, шунингдек, шахсни тасдиқловчи хужжатларнинг нусхаларини тақдим этиш;
 - хисоб рақам бўйича хар қандай амалиётларни амалга оширишда шахсни тасдиқловчи хужжат (мижоз вакили учун эса шунингдек белгиланган тартибда расмийлаштирилган ишончнома) ни тақдим этиш;
- 3.3. Мижоз Ўзбекистон Республикасининг амалдаги қонунларига мувофиқ бошқа хукуқ ва мажбуриятларга хам эга бўлиши мумкин.

4. БАНКНИНГ ҲУҚУҚ ВА МАЖБУРИЯТЛАРИ

4.1. Банк қўйидагиларга ҳақли:

- хисоб рақамга нисбатан талаб қўйилганда пул маблағларининг мавжудлигини ва Мижознинг ушбу маблағларни хисоб рақамдаги маблаг доирасида эркин тасарруф этиш хукуқини кафолатлаган ҳолда Мижознинг банк хисоб рақамидаги пул маблағларидан молиявий ресурслар манбаи сифатида фойдаланиш;
- Банк тарифларига мувофиқ Банкка тўланиши лозим бўлган воситачилик ҳақини Мижознинг хисоб рақамидан акцептсиз ечиб олиш;
- хисоб рақамга ҳизмат кўрсатиш учун тарифларни белгилаш;
- Мижоз томонидан амалдаги қонун хужжатларини, жиной фаолиятдан олинган даромадларни легаллаштиришга ва терроризмни молиялаштиришга ҳамда оммавий қирғин қуролларини тарқатиши молиялаштиришга қарши курашиш тўғрисидаги қонун хужжатларини бузганлик ҳолатлари мавжуд бўлгандা, шунингдек хисоб-китоб хужжатларини расмийлаштириш тартиби ва уларни Банкка тақдим этиш муддатлари бузилганда Мижознинг банк хисоб рақами бўйича амалиётларни тўхтатиб туриш ёки уларни амалга оширишни рад этиш;

- Мижоз ёки унинг операцияси санкциялар доирасига кирса ёки унга кириш хавфи мавжуд бўлган тақдирда, банк мижоз томонидан ўтказиладиган операцияни ўрганиш учун қўшимча маълумотларни талаб қилишга, операция суммасини чеклаш, операцияни чеклаш (рад этиш) ёки ҳизмат кўрсатишни рад этиш ва мижоз билан тузилган шартномани бир томонлама бекор қилишга ҳақлидир.
- Ўзбекистон Республикаси қонун ҳужжатлари, шунингдек, Ўзбекистон Республикаси Марказий банкининг меъёрий ҳужжатлари билан Банк зиммасига юклатилган мажбуриятларни бажаришга қаратилган бошқа ҳаракатларни амалга ошириш;
- қонун ҳужжатларида белгиланган тартибда ушбу шартномани бекор қилиш тўғрисида талаб қўйиш.
- Мижоз ушбу билан Банк тегишли маълумотларни Банк веб-сайтида камида 10 (үн) календарь куни олдин жойлаштириш орқали Мижозни аввалдан хабардор қилган ҳолда қўйидагиларни ўз ихтиёрига кўра ўзгартириши мумкинлигига розилик билдиради, жумладан:
 - Банк Тарифларига ўзгартириш ва қўшимчалар киритиш: Мижоз томонидан Банкка комиссия тўлаш ва мазкур шартнома бўйича банк ҳизматлари билан боғлиқ бошқа тўловларни амалга оширишнинг миқдори, тартиби ва шартларини ўзгартириш;
 - Ушбу офертага ўзгартириш ва қўшимчалар киритиш. Банк амалиётлари бўйича лимитларни ўрнатиш ва уларни ўзгартириш;

4.2. Банк қўйидагиларни ўз зиммасига олади:

- ушбу шартномада назарда тутилган тартибда ва шартларда Мижознинг банк ҳисоб рақамига тушаётган пул маблагларини қабул қилиш ва ҳисобдан чиқариш, Мижознинг ҳисоб рақамидан тегишли маблагларни ўтказиш ва ечиб олиш бўйича топширикларини бажариш, халқаро пул ўтказмалари ва омонатга доир амалиётлар бўйича бошқа ҳаракатларни амалга ошириш;
- Мижознинг ҳисоб рақамига пул маблагларини ўтказиш ёки тегишли тўлов ҳужжати Банк томонидан қабул қилинган куннинг ўзида унинг ҳисоб рақамидан пул маблагларини чиқариш, агар у Банкнинг амалиёт ўтказиш кунида келиб тушган бўлса. Агар тўлов ҳужжати амалиёт куни тугаганидан кейин келиб тушган бўлса, Банк кейинги иш кунидан кечиктирмай тўловни амалга ошириши шарт;
- Мижознинг ҳисоб рақами бўйича амалиётларни сир саклаш. Мижознинг розилигисиз ҳисоб рақам бўйича амалиётлар тўғрисидаги маълумотлар фақат Ўзбекистон Республикасининг амалдаги қонунларида назарда тутилган ҳолларда учинчи шахсларга тақдим этилади;
- Мижоз банк тарифлари билан мустақил равища таниша олиши учун Банкнинг www.infinbank.com расмий сайтига Банк тарифларини жойлаштириш;
- нақд пул қўйиш учун Мижозни ариза бланкалари билан таъминлаш;
- Мижознинг талабига биноан ҳисоб рақамдан кўчирмалар тақдим этиши;
- қонун ҳужжатларида белгиланган тартибда Мижознинг биринчи талабига биноан пул маблаглари (депозит) ни ёки унинг бир қисмини қайтариш.

4.3. Банк Ўзбекистон Республикасининг амалдаги қонун ҳужжатларига мувофиқ бошқа ҳуқуқ ва мажбуриятларга ҳам эга бўлиши мумкин.

4.4. Банк амалиётлари бўйича ўрнатилган лимитлардан ошган амалиётларни андеррайтинг текширувидан ўтказган ҳолда бажариш.

5. ТОМОНЛАРНИНГ МАЖБУРИЯТИ

5.1. Мижоз ўзи томонидан Банкка тақдим этилган пул-ҳисоб-китоб ёки бошқа ҳужжатлардаги маълумотларнинг нотўғрилиги ёки сохталиги учун жавобгар бўлади ва Банкка бундай маълумотларни тақдим этиш натижасида етказилган зарарни қоплаши шарт.

5.2. Мижоз телефон рақами ўзгарганлиги ҳақида Банкни ўз вақтида хабардор қилмаган тақдирда Банк Мижознинг мобил телефонига омонат тўғрисида СМС-маълумот жўнатгандан банк сирларининг ошкор этилиши учун, шунингдек, унга омонат бўйича хабарларни ўз вақтида юбормаганлик учун жавобгар бўлмайди.

5.3. Мазкур шартномада назарда тутилмаган ҳолларда томонлар (Банк ва Мижоз) ушбу шартнома бўйича ўз зиммаларига олган мажбуриятларни бузганликлари учун Ўзбекистон Республикасининг амалдаги қонунларига мувофиқ жавобгар бўладилар.

6. ФОРС – МАЖОР

6.1. Томонлар ушбу шартнома бўйича мажбуриятларни бажармаганлик ёки лозим даражада бажармаганлик учун жавобгарликдан озод килинадилар, агар ушбу шартнома тузилгандан кейин томонлар олдиндан кура олмаган ва оқилона чоралар билан олдини ололмаган фавқулодда ҳолатлар оқибатида юзага келган енгиб бўлмас куч натижасида бўлса.

6.2. Енгиб бўлмас куч ҳолатлари юзага келган тақдирда, ушбу шартнома бўйича мажбуриятларни бажариш муддатлари бундай ҳолатлар ва уларнинг оқибатлари амал қиладиган вақтга мутаносиб равишда кечикирилади.

7. ШАРТНОМАНИНГ АМАЛ ҚИЛИШ МУДДАТИ

7.1. Ушбу шартнома Банк томонидан Мижоз акцепти олинган пайтдан ва омонат суммаси талаб қилиб олингунча ҳисоб рақамига келиб тушган кундан бошлаб ёзма шаклда тузилган деб ҳисобланади ва томонлардан бири уни бекор қилмагунча амал қиласди.

7.2. Банкнинг талабига биноан ушбу шартнома Ўзбекистон Республикаси қонун ҳужжатларида назарда тутилган ҳолларда бекор қилиниши мумкин.

7.3. Банк ҳисоб рақами шартномасининг бекор қилиниши Мижознинг ҳисоб рақамини ёпиш учун асос ҳисобланади.

8. ШАРТНОМАНИНГ БОШҚА ШАРТЛАРИ

8.1. Шахсий маълумотлар тўғрисидаги қонунчилик талабларига мувофиқ, Мижоз Банкка ўз фаолиятини юритиши, Банк томонидан мазкур шартнома шартларини бажариш ҳамда Ўзбекистон Республикаси қонунчилигига зид бўлмаган бошқа мақсадларда Банк томонидан Мижознинг ҳар қандай шахсий маълумотларига ишлов бериш ва улардан фойдаланишига муддатсиз розилигини тақдим этади.

8.2. Ушбу билан Мижоз барча алоқа воситалари: почта тарқатмаси, СМС-тарқатма, овозли тарқатма, электрон хатлар тарқатмаси ва х.к.дан фойдаланган ҳолда, аммо улар билан чекланмасдан бевосита алоқаларни амалга ошириш йўли билан Банк хизматларини тарғиб қилиш билан боғлиқ реклама материалларини Банкдан қабул қилишга ўз розилигини билдиради.

8.3. Мижознинг аризасига асоссан (ушбу офертага 1-илова):

- Агар бир йил давомида ҳисобварак бўйича амалиётлар амалга оширилмаса ва ҳисобваракда қолдиқ бўлмаса, Банк шартномани бекор қиласди ва Мижознинг ҳисобварагини ёпайди;

- Агар бир йил давомида ҳисобварак бўйича амалиётлар амалга оширилмаган бўлса ва ҳисобварак бўйича қолдиқ мавжуд бўлса, ҳисобваракдаги қолдиқ Банк томонидан ҳаракатсиз ҳисоб рақамига ўтказилади, шундан сўнг ушбу шартнома бекор қилинади ва Мижознинг ҳисобвараги ёпилади.

8.4. Агар Мижоз банк ҳисобварагидаги қолдиқ ҳаракатсиз ҳисобваракқа ўтказилганидан кейин 10 (ён) йил давомида ушбу қодикни талаб қиласа, ҳаракатсиз ҳисобваракдаги қолдиқ “29840 – Молия вазирлигига ўтказиладиган талаб қилиб олинмаган депозитлар” ҳисобварагига ўтказилади.

8.5. Агар техник жиҳатдан имкон бўлса, омонат (омонат очилаётган филиалда очилган барча депозитлар) очища омонат қолдиги, кирим ва чиким амалиётлари тўғрисида ва бошқа зарур маълумотларни Мижознинг мобил телефонига юбориш учун СМС-хабарнома хизмати уланади.

8.6. Омонат бўйича амалиётлар тўхтатиб қўйилган ҳолларда, Банк амалиётлар тўхтатилган кундан бошлаб кейинги иш кунидан кечикирмай Мижозга унинг ҳисоб рақамига хизмат кўrsatiш тўхтатиб қўйилганлиги ва унинг сабаблари тўғрисида маълумот (хабар) юборади.

8.7. Кредитлар, микроқарзлар ва лизинг бўйича қарзларни тўлаш учун омонатдан пул маблағлари Мижознинг топшириғисиз ечиб олинган тақдирда, Банк пул маблағлари ҳисобдан

чиқарилган кундан бошлаб кейинги иш кунидан кечиктирмай Мижозга почта орқали ечиб олинган сумма ва бунинг сабаблари, шунингдек у кимнинг фойдасига амалга оширилганлиги хақида хабарнома юборади.

8.8. Ушбу Шартноманинг 8.6. ва 8.7.-банларида назарда тутилган маълумотлар (хабарномалар) мижозга шахсан, электрон алоқа ва бошиқа алоқа каналлари орқали ҳам етказилиши мумкин. Мижоз маълумотни (хабарномани) етказиб бериш усулини банкка шахсан келиб ёки почта орқали ёзма ариза бериш орқали ўзгартиришга ҳакли. Шу билан бирга Мижоздан қабул килинган ариза Банк томонидан унинг банк ҳисоб рақамига доир йигма жилдда ёки омонат ҳисоб рақамлари бўйича алоҳида картотекада сақланади. Маълумотномани (хабарномани) мижозга етказиб бериш усулининг ўзгариши муносабати билан ушбу шартномага ўзгартиришлар киритиш талаб этилмайди.

8.9. Ҳисобварақдан фойдаланган ҳолда банк операцияларини масофавий амалга оширишда Мижоз қуидагилар ҳакида огоҳлантирилади:

- ноқонуний операцияларга аралашиб колиш хавфи Мижознинг зиммасида эканлиги ҳакида;
- Мижоз ноқонуний операцияларга аралашиб колган тақдирда, банк Ўзбекистон Республикасининг амалдаги қонунчилигига мувоғиқ тегишли чоралар кўриши ҳакида.

8.10. Банкнинг банк операцияларини амалга ошириш хукуқига лицензияси Ўзбекистон Республикаси Марказий банки томонидан чақириб олинган тақдирда Мижознинг Банқдаги омонати бўйича ҳақ тўлашни кафолатлари Фуқароларнинг банклардаги омонатларини кафолатлаш фонди томонидан амалга оширилади. Фонд томонидан Мижознинг Банқдаги омонати бўйича ҳақ тўлашнинг кафолатланиши Банк қайта ташкил этилиши муносабати билан лицензия чақириб олинган ҳолларга татбиқ этилмайди.

8.11. Ушбу Шартномадан келиб чиқадиган барча низоларни томонлар икки томонлама музокаралар йўли билан ҳал қиласидилар. Томонлар келишувга эришмаган келишмовчиликлар банк жойлашган жой бўйича судда ҳал қилинади.

8.12. Ушбу Офертани қабул қилиш орқали Мижоз шартноманинг барча шартларини сўзсиз қабул қилганлигини тасдиқлади ва уни бажариш мажбуриятини олади.

8.13. Норезидентнинг Ўзбекистон Республикасидаги манбалардан олинган ва доимий муассаса билан боғлиқ бўлмаган даромадларидан олинадиган солиқ норезидентга даромад тўловчи солиқ агенти томонидан ҳисоблаб чиқарилади ва ушлаб қолинади. Солиқнинг ушлаб қолиниши солиқ тўловчининг даромадларидан бундай даромадларнинг ҳар бир тўлови пайтида амалга оширилади.

8.14. Банк ушбу Офертанинг янги таҳририни ва Банк Тарифларини веб-сайтга жойлаштириши орқали ушбу Офера шартларига ўзгартириш киритиш хукуқига эга. Киритилган ўзгаришлар Банкнинг расмий веб-сайтида жойлаштирилган пайтдан бошлаб Банк ва Мижоз учун мажбурий бўлиб қолади.

9. БАНК РЕКВИЗИТЛАРИ

“InfinBank” АЖ

СТИР: 206 942 764, МФО: 01041, ОКЭД(ИФТК): 64190

Манзил: 100029, Тошкент ш., Т. Шевченко кўчаси, 1-уй

Киска ракам: (1214)

Жисмоний шахсларга миллий ва хорижий валютада талаб қилиб олингунча депозит ҳисоб рақамини очиш ва унга хизмат кўрсатиш учун шартнома тузиш тўғрисидаги Оммавий офертага 1-илова.

**Ҳисоб рақам очиш учун
АРИЗА**

дан

Ҳисоб рақам очишингизни сўрайман:

Ҳисоб рақам тури:

- талаб қилиб олингунча депозит;
- муддатли депозит;
- омонат депозити;
- бошқа _____;

Ҳисоб рақам валютаси:

- Сўм;
- АҚШ доллари;
- Евро;
- бошқа _____;

Ўз имзоим намунасини бераман _____

Агар бир йил давомида ҳисобварагим бўйича амалиётлар амалга оширилмаса:

- ва ҳисобварагимда қолдиқ бўлмаса, шартномани бекор қилишингизни ва ҳисобварагимни ёпишишингизни сўрайман;
- ва ҳисобварагимда қолдиқ мавжуд бўлса, ҳисобварагимдаги қолдиқни харакатсиз ҳисоб рақамга ўтказишишингизни, шундан сўнг шартномани бекор қилишингизни ва ҳисобварагимни ёпишишингизни сўрайман;

Оммавий оферта шартлари ва ҳисоб рақамга хизмат кўрсатиш тарифлари билан танишдим ва розиман.

Ҳисоб рақам эгасининг
имзоси

 Сана _____ йил

БАНКНИНГ ИШГА ОИД ҚАЙДНОМАЛАРИ

Ишга оид ҳаракат / қарор / қайдлар	Ходимнинг Ф.И.Ш.	Имзо
Аризани қабул қилди	_____	

сонли ҳисоб рақам	_____	_____	_____	_____	_____	_____	_____	_____	_____	_____	_____	_____	_____
----------------------	-------	-------	-------	-------	-------	-------	-------	-------	-------	-------	-------	-------	-------

Банк муассасаси коди (МФО):	_____	_____	_____	_____
--------------------------------	-------	-------	-------	-------